

Il mas-chalch da Sent



Publicaziuns officialas. Cumpara seguond bsögn.

2006/2008

no. 64

7554 Sent, 11 december 2008 / mw

Publicaziun da fabrica

Reguarda: Chasa d'abitar nouva, parc. no. 429, Via Sura
Patrun da fabrica: Taufer Christina & Martin, Grundhofstrasse 32A, 8704 Herrliberg
Profilà: 12.11.2008
Publicaziun: 11.12.2008
Termin da protesta: 31.12.2009

Publicaziun da fabrica

Reguarda: Fouras geotermicas, Sot Baselgia 56, parc. no. 305
Patrun da fabrica: Gerber Andreas, Schleifetobelweg 1, 8810 Horgen
Profilà: --
Publicaziun: 11.12.2008
Termin da protesta: 31.12.2009

Publicaziun da fabrica

Reguarda: Abitaziun nouva suot il tet, parc. no. 286, Plaz 42
Patrun da fabrica: Rauch Mazzina & Hauser Andrea, Plaz 42, 7554 Sent
Profilà: 31.10.2008
Publicaziun: 11.12.2008
Termin da protesta: 31.12.2008

Publicaziun da fabrica

Reguarda: Fabrica d'üna abitaziun sper la chasa B, Costa dad Archas, parc. no. 602
Patrun da fabrica: Taverna Armon, Tanter Vias 572, 7554 Sent
Profilà: --
Publicaziun: 11.12.2008
Termin da protesta: 31.12.2008

Ediziun: Tuot ils plans sun exposts in büro cumünal.

Recuors: Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.

In nom da la cumischium da fabrica

Radunanza cumünala

La radunanza es gnüda fixada sün **gövgia, 18 december 2008** a las 20.15 in chasa cumünala.

Tractandas:

1. Protocol da la radunanza cumünala dals 20 november 2008, acta 15
2. Fixar il pè d'imposta pel 2009
3. Preventiv cumünal pel 2009
4. Preventiv d'investiziuns pel 2009
5. Varia

Tractanda 3 e 4:

Il Cussagl cumünal giavüscha cha tuot ils interessats passan a partir da subit pro l'administraziun cumünala per la documainta per la tractanda 4 e 5 per nà perder massa bler temp pro la preschantaziun dals preventivs d'urant la radunanza.

Il Cussagl cumünal

“GA-per cumüns”

Per promouwer il trafic public, da il cumün a nossa populaziun eir dal 2009 la pussibilità da cumprar bigliets favuraivels, culs quals i's po viagiari in tuot la Svizra cul tren, posta, barcha, tram e bus ün di a la lunga. Il bigliet es datà e vaglia be per quel di. **Per mincha di es avantman be ün bigliet.** Interessents pon a partir da subit, ed uschigliö plü bod pussibel, **reservar** il bigliet pro'l büro cumünal, **tel. 081 / 861 20 60**. Predsch dal bigliet, **fr. 35.00**

Chascha cumünala

Bös-chins da Nadal

Ils bös-chins da Nadal vegnan scumpartits **venderdi, 19 december 2008** da las 15.00 a las 17.00 pro'l schler da protecziun in Tuols. Ils bös-chins vegnan furnits d'üna dita our dal chantun Turgovia. Il cumün inchascha ils seguaints predschs: **bös-chins pitschens frs. 12.00 / mezdans frs. 15.00 / gronds frs. 20.00**. Ils bös-chins dovrats nu's poja plü dar cul arüd. Perquai ramassa il cumün in duos jadas pro'ls bügls da Stron, Sala, Schigliana, Plaz e Curtin als 29 december 2008 e'ls 5 schner 2009.

Administraziun forestala

Saldaziun dal quint

Il quint cumünal vain serrà giò pels 31 december 2008. Tuots dabuns dal cumün e quints pendants invers il cumün sun da reglar fin il plü tard **venderdi, 19 december 2008**. Infra quel temp sun eir da pajar tuots quints scadüts, dats dal cumün. Per quints chi vegnan pajats cun retard, vain inchargià ün fit da retard.

Chascha cumünala

Deponia La Fuorcha

La deponia vain **serrada** ufficialmaing **fin davo Pasqua**.

In cas urgients e scha'l stadi da la via d'access fin pro la deponia permetta, as po passar per la clav in büro cumünal. L'avertüra ufficiala dal 2009 vain comunicada aint il Mas-chalch.

Il Cussagl cumünal

Chalenders Ladins

Uossa as poja cumprar ils Chalenders Ladins aint il „Sgabuz“. Eir il chalender dal 2009 cuntogna interessants artichels per mincha gust. Culla cumprita da blers chalenders muossaina cha Sent es ün cumün fich rumantsch!

**Per l'Uniun dals Grischs
Corina Caviezel**

Avis a reg. rumir naiv da/per privats

Illa sezzüda dals 4 december 1996 ha discus il Cussagl cumünal a regard tscherchar üna soluziun pel möd da rumir la naiv per privats. In vista cha quista fatschenda nun es daltuot simpla a regard trar tscherts cunfins, ha decis il Cussagl cumünal da metter quist avis aint il Mas-chalch:

1. Id es admiss da rumir plazzas privatas sün vias cumünalas, scha la naiv vain palada sün via avant, al mumaint, cha quella vain rumida dal cumün;
2. Sch'inchün giavüscha ch'ün toc terrain privat vegna rumi dal cumün, es quai pussibel cunter pajamaint. Annunzchar p.pl. in büro cumünal opür directamaing al schef da strada;
3. I nun es admiss, davo cha'l Cumün ha rumi las vias, da rumir naiv da terrain privat sün vias cumünalas. A quels chi surpassan quista decisiun dal Cussagl cumünal vaina miss in quint la lavur per rumir la via cumünala da nouv.

Tuot ils ogets (vaschs, chaistas da fluors, bancs e.o.p.) chi sun miss davant las chasas ston gnir allontanats sur inviern, per evitar dons in connex culla rumida da naiv.

Il Cussagl cumünal

Avis a reg. allontanar saivs electricas

Tenor art. 32 da l'orden champester ston tuottas saivs electricas chi sun gnüdas fattas sün terrain privat e cumünal gnir allontanadas d'urant il temp d'inviern. Our da quel motiv sun quellas da **levar subit**.

Sch'inchün nu vess da seguir a quist appell, vegnan levadas las saivs da cumün oura a cuosts da quel chi ha invlidà d'allontanar la saiv. **Attenziun:** Quist avis vala eir per alps e pas-chs! Eventuals dons chi subaintran van a charg da quel chi nun ha levà la saiv! Fich privlus sun pels skiunzs filfiers chi vegnan be miss giò per terra. Per plaschair allontanar eir quels.

Il schef da god, pas-ch e pauraria

Advent pels attempats

Eir quist on organisescha la società da duonnas ün inscunter d'Advent **cun giantar** per quellas persunas da las annadas 1938 e plü veglias (da 70 amunt). La data es gnüda fixada sün **dumengia, 14 december 2008**, a las **12.00** illa chasa Misoch.

I'ns fess grond plaschair scha tuot quellas persunas gnissan a nos giantar.

Annunzchas piglia incunter Annatöna Pult, tel. 081/864 86 82 opür Mema Werro tel. 081 864 90 68, **a partir da subit**.

La società da duonnas

Avertüra: Oasa i'l minchadi - Center d'inscunter regional a Scuol

Avertüra: sonda, dals 13 december da las	10.00 – 17.00		
Temps solits d'avertüra: Lündeschdi	14.00 – 17.00		
Gövgia	10.00 – 12.00	e da las	14.00 – 17.00
Sonda	10.00 – 16.00		

I'l Center Augustin, 1. plan, Scuol

Ün proget da la Baselgia refuormada

Società da musica Sent

Sairada d'Advent in chasa da scoula in sonda als 20 december 2008. Singuls o gruppas chi vessan plaschair das participar cun üna producziun sun fich bainvis e giavüschats da s'annunzchar ouravant pro sar Hans Neuenschwander tel. 081 866 38 07

Producziuns giavüschadas da tuots geners per Advent sco per exaimpel eir: chant avert, chant da solists, quintar üna istorgetta eui.


Società da musica Sent


Invid

Ils butiers da Sent invidan a lur
predschada cliantella ad ün tramagl
cun degustaziun in lur affars.

**Venderdi saira als 12 dec.08
avert fin las 2200**

 Colonials Augustin
Chascharia Sent
Bacharia Juon
Butia la Funtana
Sgabuz Plaz
 Sport Champatsch
Bacharia Zanetti
Butia Schlerin
Cosmetica Martina
Sent Keramica

 Ursina Margadant reflexziun e pedicura

Per Lur fiduzia demuossada d'ürant l'an,nos
sincer ingraziamaint. 

Vossa visita ans fa grond plaschair

BUNAS FESTAS DA NADAL



Concerts 2008/2009

Concerts
inviern 2008/2009

Venerdì 26.12.2008	17.00	baselgia	Musica per la fin da l'on Heima Leenhouts, violina Jan Holjník, clavazin	Il program cumpiglia ouvras dad Antonin Dvorak, Serge Prokofiev e Johannes Brahms.	collecta
Dumengia 28.12.2008	15.00 rumantsch 17.00 tudais-ch	Chass Miso	Gös per grond e pitschen cun Annina Sedlacek	"Ne clown, ne stria, ne Julietta, ne Maruschka Maraja... Hal, ma schi che ans spettarà quista jada tanter Nadal e Büman dürant il davomezzi cun Annina Sedlacek? Forsa alch per giuven e vegl, forsa alch stincalet tanteraint, forsà alch moza... Chi sà? Ma ouramai ch'eu sun bondrusa da natura nu'm restarja oter co dad ir a vener che chi sarà?" Annina Sedlacek, actura diplomada a la "Scuola Teatro Dimitri" as intrategnarà dürant ün'ura.	uffants : frs 9.- creschüt s: frs 12.-
Dumengia 4.1.2009	17.00	baselgia	Herbie's EXPL03000 musica contemporanea da jazz melodiusa cun ritems da l'America latina, interpretà sco musica da chombra, cun improvisaziuns subtilas dals quatter musicists curtschaints eir sur nuova.	Adrian Pflugshaupt, sopransax, fiöta Hans Feigenwinter, clavazin Herbie Kopf, e-bass, cumposiziuns Plus Baschnagel, tamburs La turnea vain sustgnüda da la fundaziun per musica SUISA!	frs 20.-
Dumengia 25.1.2009	17.00	baselgia	"Da Vienna a Budapest" cul "Amaryllis-Quartett"	G. Frieleinghaus, gia; L. Wirth, gia; I. Eckels, viola; Y. Sandoz, violoncello. Quartets per instrumaints da corda da Beethoven, Schubert, Frid e Kurtäg.	frs 20.-
Dumengia 1.2.2009	20:15	baselgia	"Pel 200avel on daspò la mort da Joseph Haydn" Piotr Plawner, violina Isabella Kim, violoncello Daniel Lappert, fiöta	Joseph Haydn: Divertimento in G-Dur e Divertimento in D-Dur Karl Stamitz: Trio C-Dur Franz Danzi: Trio, op. 71, nr. 2 Anton Reicha: 18 variaziuns sur dal tema da W.A. Mozart in G-Dur, op.51	frs 20.-
Dumengia 8.2.2009	17.00	baselgia	DUO PIANISTICO Giusi Groppuso-Oscar Gulla	M. Clementi: Sonata nr. 1 in B R. Schumann: Andante e Variazioni op. 46 W.A. Mozart: Adagio e Fuga in e-mol KV 426 e Sonata in D-Dur KV 448	frs 20.-
Dumengia 15.2.2009	17.00	baselgia	Concert dal Cor Proget 09 cun chanzuns rumantschas e rumenas a capella	Direcziun: Curdin Lansel, ingüna prevendita, ulteriuras infuomaziuns: www.cor- proget.ch < http://www.cor-proget.ch >	frs 25.-
Gövgia 19.2.2009	20:15	Grotta da cultura	"Vita Chiara" üna punt tanter canzonis il sti dals cantautoris talians e da la musica actuala electronica	Peer Seemann, chant e ghitarra Ali Salvioni, percussion Reto Claudio Gaffuri, bass organisà da la SÖP insembel culla Grotta da cultura	collecta
Dumengia 22.2.2009	17.00	baselgia	Concert per clavazin cun Thomas Rahfts	L. van Beethoven: Sonata Aa-Dur op. 26 F. Mendelssohn : Lieder ohne Worte F. Chopin: Nocturne, cis-Moll KK/Va nr. 16 A. Scriabin: 6 Préludes aus op 11 C. Debussy: Reflet dans l'eau J. Brahms: 2 Rhapsodien op. 79 Thomas Rahfts: The First Kings Army, Transformation, Church in the Rain	frs 20.-
Dumengia 8.03.2009	17.00	baselgia	Musica sacrala e folcloristica cul coro "Voskresenje" da St. Petersburg	Dirigent: Jurij Maruk	frs 20.-
Venerdì 10.4.2009	17.00	baselgia	Musica pel Venerdì Sonch Pavla Fendrichová-Ježková, mezzosopran Jindřich Macek, lüt	Musica spirtuala Inglaisa dal temp dal renaschiment da Thomas Campian e John Dowland, cumposiziuns per il lüt solo da John Dowland, Vincenzo Capirola e Pietro Paolo Raimondo.	frs 20.-

Mödamaints sun pussibels. Observai ils placats e S'infuorma illa pagina actuala: www.sent-online.ch/actual/concerts